

Mātaio, Matthieu 17/1-9

Punafara : Tāpati, Dimanche 05/03/2023

Òrometua, Pasteur Tihiri Lucas

Mai te hōpāòre e fā atu i te tiaìturu !

*Du désespoir à l'espérance !*

Mai haamanaò anaè nā mua roa e piti aè nau parau no ta tātou heheuraa i te Mātaio 5, a taiò atu ai tātou i muri aè i te reira i te Mātaio 17/1-9.

—Ua faarirohia Ietu ei Mōte âpī o tei tuu mai i te tahi ture âpī : « I parau mai na te mau Metua i tahito ra [...] Âreà vau nei rā, te parau atu nei au »

—Mai te tahi huru faaòhiparaa i te ture tahito, te aratō nei te ture âpī i te tahi morare faahepohepo nā roto i te faaoraraa ia au i te mau òhipa a te ture, e aore ia i te tahi haereà, e ia òre anaè hoì te Pure a te Fatu e mau-âau-hia, o tei ìriti i te tahi èà no te faatiani i te Metua, e aore ia i te tahi èà no te mata-ê i te Metua.

*Rappelons d'abord deux éléments au moins de notre approche de Matthieu 5, puis nous*

*lirons Matthieu 17/1-9.*

*—Jésus est posé comme nouveau Moïse qui apporte une nouvelle loi : « Les Anciens ont dit [...] Mais, moi je vous dis ».*

*—La nouvelle loi, comme un certain rapport à l'ancienne d'ailleurs, pousse vers une morale mortifère dans le salut par les œuvres de la loi, voire vers une éthique qui, à défaut de l'appropriation de la prière du Notre Père, ouvre soit le chemin de la séduction du Père, soit le chemin du déni du Père. La loi crée ainsi le désespoir du salut par soi-même.*

Ia au i te pāpaïraa a Mātaio no te Faahuru-ê-raa, te tātara nei te Fatu i tana mau Pipi i rapaeàu i te hōpāòre e faatupuhia e te ture, e te hō nei o ia ia rātou i te tiaïturu a te Èvaneria : èere Ietu i te tahi Mōte âpī, e Tamaiti rā na te Atua ia faaroohia, oia hoì ia fārihia no te fānaò i te faaoraraa nā roto i te Faaroo Anaè.

*Dans le récit matthéen de la Transfiguration, le Seigneur arrache ses Disciples du désespoir produit par la loi pour leur offrir l'espérance de l'Évangile : Jésus n'est pas un nouveau Moïse, mais il est Fils de*

*Dieu à entendre, c'est-à-dire à accueillir pour recevoir le salut par la Foi Seule !*

No Māreto, na te Faahuru-ê-raa e ìriti i te mau Pipi i rapaeàu i te taa-òre i faatupuhia e te mau manaò pāparau a vērā mā e ta rātou iho, âreà no Ruta Èvaneria, e parau ia no te haafānaò ia rātou i te tahi taima pureraa rītura ia fārereihia mai rātou e te Tamaiti a te Atua.

*Chez Marc, la Transfiguration sort les Disciples de l'incompréhension suscitée par les dires des autres et d'eux-mêmes, alors que pour Luc, elle s'offre comme temps liturgique pour se laisser être rencontré par le Fils de Dieu.*

No teie parau, hoê ā puna ta Mātaio, Māreto e Ruta Èvaneria : o Mōte te tià no te ture e parau mai i te hara a tei haere atu i mua i te aro o te Atua ; o Èria te tià o te mau Perofeta no te tohu i te faaoraraa o te taata hara ; o Ietu tē faaora o te taata hara nā roto i te Faaroo Anaè.

*Ceci dit, Matthieu, Marc et Luc disposent de la même source : Moïse symbolise la loi qui*

*dit le péché de qui se tient devant Dieu ; le Prophète Élie symbolise l'annonce du salut du pécheur ; et le Fils de Dieu incarne le salut du pécheur par la Foi Seule.*

No tātou Ôroà no te Èvaneria, oia te Ôroà 5 no Māti, tei roto ānei tātou i te hōpāðre e te reru ia au i te mau manaò pāparau a vērā mā e a tātou iho i mua i te parau no te Ietu, aore ia te roto ānei i te taa-øre e o vai Ietu no tātou, e aore rā hoì i roto i te oraraa rīturia mā te tiaituru ia fārerei faahou mai te Tamaiti a te Atua ia tātou ?

*Pour notre Fête de l'Évangile, dite Fête du 5 Mars, sommes-nous dans le brouillard selon les dires des autres et de nous-mêmes concernant Jésus, ou alors dans l'incompréhension de qui est Jésus pour nous, ou encore dans le dynamisme liturgique dans l'espérance d'être à nouveau rencontré par le Fils de Dieu ?*

I te Fatu ā tātou mā ta na Parauamaitai !

*Que le Seigneur nous accompagne dans sa Bénédiction !*